



Sarajevo, 11.6.2026. godine

MEDIJIMA

SAOPĆENJE ZA MEDIJE

Podrška članstvu Bosne i Hercegovine u Evropskoj uniji porasla na 74,4%

Direkcija za evropske integracije provela je redovno godišnje istraživanje javnog mišljenja o podršci pristupanju Bosne i Hercegovine u Evropsku uniju i o temama u vezi s evropskim integracijama koje interesuju građane. Istraživanje je provedeno od 23. aprila do 13. maja 2026. godine, CATI metodom, na uzorku od 1.200 ispitanika reprezentativnom za cijelu državu.

U slučaju raspisivanja referenduma o pristupanju BiH u EU, za članstvo bi glasalo 74,4% građana, odnosno, gotovo tri četvrtine građana. Ulazak u EU bi podržalo 86,1 posto ispitanika u Federaciji BiH, u Republici Srpskoj 54,1% te u Brčko distriktu 74,7%. U odnosu na prošlu godinu, za 4,5% je povećan broj građana koji bi dali glas za ulazak BiH u EU, a za 5,1% smanjen broj onih koji bi glasali protiv.

Za najveći broj ispitanih glavni razlog zašto podržavaju ulazak BiH u EU, u ovogodišnjem istraživanju, je to što predstavlja garanciju trajnog mira i političke stabilnosti (38,4%), a slijedi povećanje slobode kretanja ljudi, robe i kapitala (34,5%) te poštivanje zakona i propisa (12,9%) i unapređenje infrastrukture (8%). Strah od povećanja troškova života i poreza i dalje predstavlja najčešći razlog za protivljenje članstvu u EU (54,3%), a slijede iseljavanje stanovništva (16,1%), gubitak raznolikosti i kultura (12,9%), prevelika centralizacija (8,7%) i povećana birokratija (7,8%).

Za ispitane građane BiH borba protiv korupcije je najvažnija reforma koju je neophodno provesti da bi se unaprijedio njihov svakodnevni život (44,8%), a slijede je smanjenje poreskih opterećenja na rad i uklanjanje prepreka zapošljavanju (17,2%), reforma socijalnog sistema (15,3%), reforma sudova i tužilaštava (14,2%) i reforma javne uprave (7,7%).

Kao najvažniji razlog zbog kojeg je EU zainteresovana za pristupanje BiH ispitanici građani i dalje prepoznaju prirodne resurse BiH (38,1%), zatim osiguranje mira i stabilnosti (18,1%), stručne i kvalifikovane radnike (17,9%) i širenje evropskog tržišta (17,4%).

Ispitanici u najvećem postotku (50,1%) smatraju da će EU učvrstiti unutrašnje odnose i nastaviti s proširenjem. Najveći broj ispitanika, njih 51,2 posto, smatra da evropski put BiH nema alternativu, a njih 33,9% smatra da će BiH ući u EU za najviše 10 godina.

Najveći dio ispitanih građana (49,5%) smatra da bi od ulaska BiH u EU najveću korist imali mladi, te je zastupljenost ovog mišljenja dodatno porasla u odnosu na dvije prethodne godine. Većina građana (65,1%) i dalje prepoznaje EU kao najvećeg donatora sredstava BiH.

Politizacija procesa integrisanja je i dalje, prema mišljenju ispitanih građana, najveća prepreka integraciji BiH u EU (33,9%). Slijede je nespремnost na promjene (20,7%), trenutno stanje u EU (17,1%), nedovoljno razumijevanje procesa (14,5%), te objektivne prepreke (12,2%).

Istraživanje javnog mišljenja o stavovima građana o članstvu u EU i procesu integracije u Evropsku uniju objavljeno je na [web stranici Direkcije](#).

Direkcija za evropske integracije